

# Ascensiun

40 dis èn uss passads dapi Pasca. Jesus cumpara anc ina giada a ses giuvnals sin in culm. El di ad els: „Betg emblidar, era sche vus na vesais betg mai, sun jau adina cun vus, mintga di, enfin a la fin dal mund.“ El benedescha ils giuvnals ed alura vegn el auzà en tschiel.

Pli baud chapivan ils cristifidaivels sut il pled „engiu“ il lieu dal mal, e sut „ensi“ il lieu dal bain, là nua che Dieu abitescha.

Tge manegia „tschiel“? In pau da quai savain nus sminar, sche nus sentin charezzia, grond plaschair, justia u pasch. Sche nus essan ventiraivels, u sche nus vegnin da far insatgi ventiraivel, alura avain nus il tschiel en nus sezs.

Ascensiun vul dir a nus: Jesus viva, dentant betg cun  
in corp tranter nus umans, mabain tar Dieu.

# Bavania

La festa da Bavania – Epifania – che manegia „cumpariziun da Dieu“, festivain nus ils 6 da schaner. Nus ans regurdain dals sabis ch'èn vegnids per adurar Jesus. Els han purtà regals sco ch'ins porta quai ad in retg: aur, entschains e mirra. Ils sabis han ins numnà Chasper, Melchior e Baltasar.

Ozendi portan ils retgs, ina gruppa d'uffants che van chantond da chasa a chasa, la nova da la naschientscha da Jesus tar nus. Els scrivan in segn sur l'isch-chasa: 20 C+M+B 10 (onn, Cristus Mansionem Benedicat = Cristus benedescha questa chasa).

Sco usit popular enconuschain nus la petta dals retgs. Quel che chatta il retg en la petta dastga salvar la curuna e reger in di.

Da Bavania ans regurdain nus dals sabis  
ch'èn vegnids per adurar Jesus.

# Dumengia da las palmas

Cun la dumengia da las palmas cumenza l'emna sontga. En l'evangeli tenor Matteus vegn raquintà, co ch'il pievel festivescha giubilond l'entrada da Jesus a Jerusalem. Jesus è vegni beneventà cun frastgas da palmas e d'ulivers. Frastgas da palmas valan sco segn da victoria sur da la mort, las frastgas d'ulivers èn segns da pasch.

La dumengia da las palmas vegnan las palmas – savens frastgas d'aviez – benedidas. Intginas prendain nus a chasa per las fermar vi dal crucifix u sper l'isch-chasa.

La dumengia da las palmas vegnan las palmas benedidas.  
Nus las prendain a chasa e pendain si ellas davos il crucifix.

# Festas da Maria

Maria, la mamma da Jesus, regorda nus a nossa mamma. En sia vischinanza ans sentin nus dachasa, essan nus pertgirads, survegnin nus vivonda, tgira, charezza, vita. Il di da las mammas ponderain nus che nossas mammas charezzan nus. Perquai faschain nus in pitschen regal quel di per ellas.

Sco engraziament avain nus deditgà pliras dumengias a Nossadunna. En intgins lieus vegn schizunt durond il mais da matg fatg devoziuns en il num da Maria. L'avust – da Nossadunna d'avust – ans regurdain nus che Maria è vegnida prendida si en tschiel. L'october essan nus envidads per dir rusaris.

Las festas da Maria ans regorda Maria, la mamma da Jesus, a noss'atgna mamma. Ella lascha ans sentir dachasa, pertgira nus, procura per vivonda, ha quità da nus, gida nus, charezza nus e dat vita.

# Gievgia sontga

La Gievgia sontga, pia gievgia avant Pasca, èn ils giuvnals sa radunads cun Jesus. Jesus ha lavà ils pes ad els. Silsuenter ha el festivà cun els la Sontga Tschaina. Jesus ha rut il paun ed ha dà el a ses giuvnals. Medemamain ha el repartì il vin.

Parter paun vul era dir, ti e jau essan unids in cun l'auter, in cun l'auter!

Baiver or dad in buccal, è per l'auter in segn d'amicizia, d'amicizia!

Star a maisa en rudè, ti e jau essan unids in cun l'auter, in cun l'auter!

Quel che aud' il pled da Dieu, di ch'el ha er' nus unids, in cun l'auter, in cun l'auter!

La Gievgia sontga ans regurdain nus da la Sontga Tschaina che Jesus ha festivà cun ses giuvnals. Tgi che mangia dal medem paun di in a l'auter: „Nus essan amis!“

# Mesemna da la tschendra

La mesemna da la tschendra ponderain nus che nus avain da murir in di. Suenter nossa mort sa mida noss corp puspè en pulvra. En il cult divin fa il spiritual cun tschendra il segn da la crusch sin noss chau e di: „Pensa vidlonder, uman, ti es pulvra e damentas puspè pulvra.“

Tschendra valeva pli baud sco med da nettegiar e purifitgar. E cur ch'ìls umans eran fitg trists u sa sentivan culpants, springivan els tschendra sin lur chaus. Ils umans chapivan bain che la crusch da tschendra era in segn da vegnir nets en il cor.

Durant il cult divin fa il spiritual cun tschendra ina crusch sin il chau, schend: „Ponderescha uman, ti es pulvra e damentas pulvra.“

# Nadal

Nadal manegia: Viver cun speranza.  
Cur ch'ìls umans tenschan il maun in a l'auter per far la pasch,  
cur ch'il ester vegn beneventà,  
cur ch'in gida l'auter d'evitar il mal e da far dal bun,  
alura èsi Nadal.

Nadal vul dir: Far giu las larmas.  
Parter quai che ti has cun l'auter.  
Mintga giada cur che la miseria d'in sventirà vegn mitigiada,  
alura èsi Nadal.

Mintga di èsi Nadal sin il mund.  
Mintga giada cur ch'insatgi regala sia charezzia ad in auter,  
cur ch'ìls cors èn ventiraivels e cuntents, alura èsi Nadal;  
alura descenda Dieu giu da tschiel  
e porta la glisch.

*Da Haiti*

A Nadal ans regurdain nus che Dieu ha tramess ord  
charezzia ses figl Jesus sin terra tar nus umans.

# Numnasontga

## Di da las olmas

Nus festivain Numnasontga il prim da november. Quel di pensain nus vi da tut ils umans che han fatg onur a lur num, „sanctifitgà’ el, tenor l’exempel da Jesus Cristus.

Enturn l’onn 1000 ha in avat da Cluny en la Burgogna decidì da deditgar il di suenter Numnasontga a tut ils morts. Dapi quella giada van ils umans il di da las olmas sin santeri per pensar là vi dals morts e per far uraziun.

Nus mussain cun quai che nus sperain da levar da mort en vita in di. Sco segn ornain nus las fossas ed envidain chandailas sin las fossas.

Il di da Numnasontga pensain nus vi dals umans che han fatg onur a lur num ed han vivì tenor l’exempel da Jesus Cristus.

Il di da las olmas giain nus sin santeri per pensar vi da noss morts e per far uraziun per els.



# Pasca

Pasca festivain nus mintg'onn l'emprima dumengia sunter l'emprima glina plaina da primavaira. Quai è il motiv che la data sa mida mintg'onn. Pasca è la pli veglia e la pli impurtanta festa dals cristifidaivels. Dapi radund 2000 onns festiveschan ils cristifidaivels la nova: Jesus n'è betg restà en la mort, mabain Dieu al ha regalà nova vita. Uschia na stuain nus era betg avoir tema da murir.

A Pasca festiveschan ils cristians la nova: Jesus n'è betg restà mort, Dieu al ha dà nova vita.

# Rogaziun federala

Quai è il di che nus engraziain, faschain penetienza e rugain. Nus festivain il di da rogaziun federala la terza dumengia dal mais settember. Avant 200 onns ha la regenza svizra concludì da far per l'emprima giada in di da rogaziun. Il stadi vul che nus sco burgais svizzers s'engaschian per nossas valurs e per noss bainstar.

La Baselgia accentuescha en spezial: Mussar engraziaivladad – esser critic envers noss stil da viver e megliurar quel tenor basegn – tschertgar e profundar il contact cun Dieu entras urar e meditar.

Nus festivain la rogaziun federala per engraziar, per tschertgar e profundar il contact cun Dieu entras urar e meditar.

# San Niclà

L'usit d'ozendi ch'il San Niclà visita ils uffants ils 6 da december va enavos sin la vita da Nicolaus. La turta da San Niclà era oriundamain in simbol pajan per la fritgaivladad. Oz savess ins chapir quai uschia che mintga admoniziun ch'è manegiada bain sa provocar insatge nov, insatge bun. Ils 6 da december è il di dal num dal sontg Nicolaus. Avant 1600 onns è el stà uvestg da Myra en la Turchia ed ha reparti tut ses possess als povers. En bleras legendas udin nus da sias bunas ovras: El era in ami dals uffants, gidanter dals povers, protectur dals persecitads, salvader en la tempesta. Cur ch'il San Niclà vegn il december ed admonescha u lauda ils uffants, cur ch'el vegn e surdat regals, alura ans regurdain nus da la vita da quest sontg ch'è suandà l'exempel da Jesus.

San Niclà è suandà l'exempel da Jesus. El ha regalà ses possess ed ha mitigià la miseria.

# Sontgilcrest

Il pled „Sontgilcrest“ vegn da „sontg“ e „Cristus“: il corp da Cristus. Enclegì en quella maniera è la festa atgnamain ina demonstraziun (de-monstrare = mussar). Nus demonstrain, mussain a tschels tge ch'è impurtant en nossa vita:

Jesus Cristus.

En la monstianza purtain nus il sontg paun tras las vias. Umans che sa participeschan a la processiun sentan: Nus tutgain ensemen. Communablamain savain nus cuntanscher nossa finamira. Nus vulain la benedicziun per la creaziun.

A Sontgilcrest „demonstrain“ nus. Nus schain e mussain a tuts tge ch'è impurtant per nossa vita: Jesus Cristus.

# Temp da Curaisma

Cun la mesemna da la tschendra entschaiva il temp da Curaisma da 40 dis che va enfin Pasca. La cifra 40 inscuntrain nus savens en la Bibla:

Jesus ha giginà 40 dis en il desert per sa preparar da pregiar da Dieu als umans. Era Moses è stà 40 dis persuls en il desert per sa preparar sin in discurs cun Dieu. Omadus vulevan daventar libers e prongs per insatge nov. Giginar na manegia betg mo desister da vivonda, mabain era da laschar star bler da quai ch'i na dovra betg.

Entras l'unfrenda da Curaisma mussain nus che nus essan solidars cun quels che pateschan fom, mo nus mussain era che nus ans engaschain fermamain per justia e pasch.

Entras l'unfrenda da Curaisma mussain nus che nus essan solidars cun quels che han fom, mo nus mettain era in ferm segn per justia e pasch.

# Tschuncaisma

La festa da Tschuncaisma regorda nus ch'ìls giuvnals èn vegnids emplenids dal Sontg Spiert. Perquai ch'els han ristgà per l'emprima giada da pregiar publicamain l'evangeli, numnain nus Tschuncaisma era il di da naschientscha da la baselgia. La nova da Tschuncaisma sa numna: La cuminanza viva!

A Tschuncaisma spetgan ils crettaivels sin la forza dil Sontg Spiert. Per ordinari vegn la craisma festivada a Tschuncaisma.

La festa da Tschuncaisma di a nus: Jesus agescha entras ses Spiert en nus, uschia che nossa cuminanza viva.

# Venderdi sontg

La crusch da Jesus Cristus  
cruscha quai ch'è  
e fa tut nov.

Quai che naging na ristga, quai duais vus ristgar  
quai che n'è betg, quai clamai ora  
quai che na vegn betg pensà, quai ristgai da pensar  
quai che n'ha anc betg cumenzà, quai faschai.

Sche naging na di gea, alura duais vus dir quai  
sche naging na di na, alura schai vus na  
sche tuts dubitan, ristgai da crair  
sche tuts sa participeschan, stai vus persuls.





Nua che tuts laudan, avais dubis  
nua che tuts fan beffas, na beffegiai betg  
nua che tuts fan da ranver, ristgai da regalar  
nua che tut è stgir, faschai glisch.

La crusch da Jesus Cristus  
cruscha quai ch'è  
e fa tut nov.

*Lothar Zenetti*





Il Venderdi sontg pensain nus vidlonder che Jesus è mort.

## Resumaziun dal temp da Nadal

	<p>Num:</p> <p>Data: .....</p> <p>Usit: .....</p> <p>Significaziun: .....</p>
	<p>Num:</p> <p>Data: .....</p> <p>Usit: .....</p> <p>Significaziun: .....</p>
	<p>Num:</p> <p>Data: .....</p> <p>Usit: .....</p> <p>Connex cun la vita da Jesus: .....</p>
	<p>Num:</p> <p>Data: .....</p> <p>Usit: .....</p> <p>Significaziun / connex cun la vita da Jesus: .....</p>



## Resumaziun dal temp da Pasca (FL1)

	<p>Num: _____</p> <p>Data: _____</p> <p>Usit: _____</p> <p>Significaziun: _____</p>
	<p>Num: _____</p> <p>Data: _____</p> <p>Usit: _____</p> <p>Significaziun: _____</p>
	<p>Num: _____</p> <p>Data: _____</p> <p>Usit: _____</p> <p>Connex cun la vita da Jesus: _____</p>
	<p>Num: _____</p> <p>Data: _____</p> <p>Usit: _____</p> <p>Connex cun la vita da Jesus: _____</p>

## Resumaziun dal temp da Pasca (FL2)

	<p>Num:</p> <p>Data: .....</p> <p>Usit: .....</p> <p>Connex cun la vita da Jesus: .....</p>
	<p>Num:</p> <p>Data: .....</p> <p>Usit: .....</p> <p>Connex cun la vita da Jesus: .....</p>
	<p>Num:</p> <p>Data: .....</p> <p>Usit: .....</p> <p>Connex cun la vita da Jesus: .....</p>
	<p>Num:</p> <p>Data: .....</p> <p>Usit: .....</p> <p>Significaziun: .....</p>

## Resumaziun da las festas da l'onn

	<p>Num: _____</p> <p>Data: _____</p> <p>Usit: _____</p> <p>Significaziun: _____</p>
	<p>Num: _____</p> <p>Data: _____</p> <p>Usit: _____</p> <p>Significaziun: _____</p>
	<p>Num: _____</p> <p>Data: _____</p> <p>Usit: _____</p> <p>Significaziun: _____</p>
	<p>Num: _____</p> <p>Data: _____</p> <p>Usit: _____</p> <p>Significaziun: _____</p>

**Advent**

**San Niclà**

**Nadal**

**Bavania**

**Mesemna da la tschendra**

**Temp da Curaisma**

**Dumengia da las palmas**

**Gievgia sontga**

**Venderdi sontg**

**Pasca**

**Ascensiun**

**Tschuncaisma**

**Sontgilcrest**

**Nossadunna d'avust**

**Rogaziun federala**

**Numnasontga /**

**Di da las olmas**

Advent è per nus in temp da spetgar, sperar e da sa preparar sin la festa da la naschientscha da Jesus.

San Niclà è suandà l'exempel da Jesus. El ha regalà ses possess ed ha mitigià la miseria.

A Nadal ans regurdain nus che Dieu ha tramess ord charezzia ses figl Jesus sin terra tar nus umans.

Da Bavania ans regurdain nus dals sabis ch'èn vegnids per adurar Jesus.

Durant il cult divin fa il spiritual cun tschendra ina crusch sin il chau, schend: „Ponderescha uman, ti es pulvra e daventas pulvra.“

Entras l'unfrenda da Curaisma mussain nus che nus essan solidars cun quels che han fom, mo nus mettain era in ferm segn per giustia e pasch.

La dumengia da las palmas vegnan las palmas benedidas. Nus las prendain a chasa e pendain si ellas davos il crucifix.

La Gievgia sontga ans regurdain nus da la Sontga Tschaina che Jesus ha festivà cun ses giuvnals. Tgi che mangia dal medem paun di in a l'auter: „Nus essan amis!“

Il Venderdi sontg pensain nus vidlonder che Jesus è mort.

A Pasca festiveschan ils cristians la nova: Jesus n'è betg restà mort, Dieu al ha dà nova vita.

Ascensiun vul dir a nus: Jesus viva, dentant betg cun in corp tranter nus umans, mabain tar Dieu.

La festa da Tschuncaisma di a nus: Jesus agescha entras ses Spiert en nus, uschia che nossa cuminanza viva.

A Sontgilcrest „demonstrain“ nus. Nus schain e mussain a tuts tge ch'è impurtant per nossa vita: Jesus Cristus.

Las festas da Maria ans regorda Maria, la mamma da Jesus, a noss'atgna mamma. Ella lascha ans sentir dachasa, pertgira nus, procura per vivonda, ha quità da nus, gida nus, charezza nus e dat vita.

Nus festivain la rogaziun federala per engraziar, per tschertgar e profundar il contact cun Dieu entras urar e

Il di da Numnasontga pensain nus vi dals umans che han fatg onur a lur num ed han vivì tenor l'exempel da Jesus Cristus.  
Il di da las olmas giain nus sin santeri per pensar vi da noss morts e per far uraziun per els.

## Usits durant l'onn ecclesiastic

- Durant in onn datti intginas festas religiusas ed usits che \_\_\_\_\_ la vita.
- La fin da november decorescha la mamma \_\_\_\_\_ cun in ornament da dascha.
- En suler penda il chalender d' Advent da Roman. \_\_\_\_\_ dastga el avrir ina porta. Davos lezza è zuppada ina pitschna surpraisa.
- In usit spezial faschain nus il di \_\_\_\_\_ .
- Igl è sco ina miracla, cur che la chaglia è en plaina flur \_\_\_\_\_ .
- Ils uffants van gugent al cult divin da Rorate che fa surtut impressiun pervia \_\_\_\_\_ .
- Dascusamain pussaivel zambregian Roman e Caroline \_\_\_\_\_
- Roman sa legra ch'el dastga gidar la mamma d'ornar \_\_\_\_\_ .
- Era en baselgia sa preparan ins sin Nadal. Latiers tutga \_\_\_\_\_ . Ella regorda nus che Jesus è naschi en \_\_\_\_\_ a Betlehem.
- Ils 6 da schaner èn ils retgs sin via. Els preschantan \_\_\_\_\_ ch'èn suandads la staila e che han purtà \_\_\_\_\_ a l'uffant Jesus.
- Ina dumengia da Curaisma visita la famiglia il cult divin da famiglia ecumenic. Silsuenter ha lieu là \_\_\_\_\_ .
- Davent da la saira da Gievgia sontga enfin la notg da Sonda sontga na battan betg \_\_\_\_\_ , pertge ch'il sunar festiv na giess betg a pèr cun il Venderdi sontg.
- A l'entschatta dal cult divin da Pasca (Sonda sontga saira) vegn envidà \_\_\_\_\_ .
- Era la \_\_\_\_\_ vegn envidada là e purtada viaden en la baselgia stgira.



- Tar Pasca tutga era il \_\_\_\_\_ . Roman e Caroline avevan gidà da colurar els.
- 50 dis suenter Pasca è Tschuncaisma. Magari vegn envidà in pèr dis avant in \_\_\_\_\_. Pertge en ils Fatgs dals apostels statti scrit che \_\_\_\_\_ sajan sa tschentadas sin ils apostels il di da Tschuncaisma.
- Ina grupp surpiglia il pensum da mirar dal fiu durant plirs dis e pliras notgs. Sco ch'ins sto tgirar il fiu, uschia ston ins era tgirar \_\_\_\_\_ per ch'ella na \_\_\_\_\_ betg.
- Il di da \_\_\_\_\_ vegn urà ed engrazià per la racolta.
- \_\_\_\_\_ regorda vi dal pled ‚perdunar‘. Quel di s'inscuntran tuts per festivar ensemen. Savens è quai il di che la baselgia è vegnida \_\_\_\_\_
- La fin da \_\_\_\_\_ va l'onn ecclesiastic a fin cun la festa da Cristus retg.
- Bainbaud cumenza cun l' Advent in nov \_\_\_\_\_ .
- Era sche Caroline e Roman festiveschan uss puspè las medemas festas, n'è quai betg il \_\_\_\_\_ pli.
- Pertge ch'els èn vegnids \_\_\_\_\_ .
- L'in' u l'otra chausa vegn ad esser \_\_\_\_\_ per els.

### **Pleds da soluziun:**

Perdunanza • rogaziun federala • chandaila da Pasca • november • onn ecclesiastic • pli vegls • inaugurada • embelleschan • outra • l'isch-chasa • da s. Barbara • ils trais sabis • a Nadal • il di da schuppa • lieungas da fiu • pitgar ovs • fiu • la cretta • il pignol • medem • da las glischs da chandailas • la stalla • pitschens regals • mintga di • ina stalla • aur, intschains e mirra • il fiu da Pasca • ils zains • stizzia